

歲月對山窿肚行等來

頭擺

有一條轉屋下个鐵路
路脣有野花摺樹仔
對颿芽，開到榮榮
摺山窿做伴，摺火車攞手
一直到花落淨淨，葉仔黃忒

山窿肚，火車有成時
qid` qiag` qid` qiag`
喊阿姆趕緊轉外家
喊僮遽轉屋下
該係相思个山歌，唱無停
喊僮俚，遽轉遽轉
qid` qiag` qid` qiag`

恁多年了
老火車个歌聲，像老人家樣仔
擲氣毋上頸
開容笑面渡等遊子轉屋下
乜載等旅客到各地遊寮
寫一生人个日記

一九三五年，大地動以後
老火車恬恬仔愛歇睏了
一九三八年，又再通車
載等思鄉情意淦淦
一九九三年，堵著發大水（註：「六二水災」）
老忒个地泥，阻擋毋核
發風搓，泥石流
磚仔个壁角崩下來
一九九八年，老火車行入歷史

新火車在山窿脣，隆隆滾，隆隆滾
同旅客轉屋下个心情共樣
遽遽，遽遽

今這下
山窿肚
七彩个 LED 花刺必駁
山窿肚
長透有老火車个歌聲
山窿脣
乜有新火車个搖滾聲
山窿脣
河溪肚，魚仔自由自在
珍等玉蘭花香，行寮木道
做得行入時光隧道
你聽，聽著無？
山窿肚，還有頭擺
火車長透喊等：遽轉遽轉
qid` qiag` qid` qiag`

行過山窿，行過歷史
你還記得無？
頭擺，頭擺
臺灣總督兒玉源太郎題字「功維敘」
送分這隻恁靚个苗栗山窿
佢係偲俚轉屋下時節
老火車載偲避風遮雨个所在



作者感言

王倩慧

第一次學習寫地誌詩，原本不知要去何處找靈感，某天正巧要去苗栗訪問大師李喬先生，於是死皮賴臉的要求也是住在苗栗的朋友帶我去附近逛逛，景點就是「功維敘」隧道，很特別的古蹟現代化，在隧道裡走了兩趟，似乎感覺悠遊在時光隧道裡，於是靈感就像火車一樣的駛出來……